



**«Ілияс Жансүгіров атындағы Жетісу университеті» КЕ АҚ**  
**мен**  
**«Шоқан Уәлиханов атындағы Көкшетау университеті» КЕ АҚ**  
**арасындағы**  
**өзара ынтымақтастық туралы келісімшарт**

«Илияс Жансүгіров атындағы Жетісу университеті» КЕ АҚ, Жарғы негізінде әрекет етуші Басқарма төрағасы – ректор Баймырзаев Қуат Маратұлы атынан, бірінші тараптан, «Шоқан Уәлиханов атындағы Көкшетау университеті» КЕ АҚ, Жарғы негізінде әрекет етуші Басқарма төрағасы – ректор Сырлыбаев Марат Кәдірұлы атынан, екінші тараптан, бұдан әрі бірге алғанда «Тараптар», ал жеке алғанда «Тарап» деп аталып, төмендегі келісімшартты жасасты:

## **1. КЕЛІСІМШАРТТЫҢ МӘНІ**

Осы Келісімшарттың мәні студенттерге, оқытушылар құрамына, университет қызметкерлеріне арналған академиялық ұтқырлық бағдарламалары шеңберінде білім беру қызметтерін ұсынудағы тараптардың ынтымақтастығы, сондай-ақ жоғары оқу орнынан кейінгі білім алушылардың ғылыми тағылымдамаларын ұйымдастыру болып табылады.

## **2. ТАРАПТАРДЫҢ ӨЗАРА ӘРЕКЕТТЕРІ**

2.1. Осы Келісімшарттың шеңберінде бір Тараптардың студенттері екінші Тараптың білім беру ұйымына берген дисциплиналарды, модульдерді өзара тану негізіндегі шартпен академиялық ұтқырлық бағдарламаларын жүзеге асыруда лицензиядағы тиісті мамандықтар (біліктіліктер) бойынша бакалавриат, магистратура және докторантура мамандықтары бойынша белгілі бір дисциплиналарды немесе модульдерді аяқтау мүмкіндігін беру арқылы ынтымақтастық жасайды.

2.2. Тараптар жоғары оқу орнынан кейінгі білім алушыларына ғылыми дайындық бағдарламаларын іске асыруға көмек көрсетеді.

2.3. Тараптар профессор-оқытушылар құрамы үшін академиялық ұтқырлық бағдарламаларын іске асыруда, дәрістер, семинарлар, бірлескен ғылыми-практикалық конференциялар, дөңгелек үстелдер, соның ішінде онлайн режимінде ұйымдастыру мен өткізуде өзара іс-қимылды қамтамасыз етеді.

2.4 Тараптар академиялық ұтқырлық бағдарламаларының және Тараптардың әрқайсысының ғылыми тағылымдамаларының барлық қатысушылары үшін тең жағдайлар жасайды, университеттердің кітапханалық ресурстарына қол жетімділікті қамтамасыз етеді.

2.5 Пәндерді, модульдерді, оқу үдерістерін, ішкі тәртіп ережелерін және Тараптардың білім беру ұйымында болудың басқа мәселелері бойынша өту ережелері Тараптардың ішкі құжаттарына сәйкес белгіленеді және студенттерге Тараптардың уәкілетті құрылымдық бөлімшелері арқылы жеткізіледі.

2.6. Тараптардың білім беру қызметтері үшін ақы төлеу мәселелері және қаржылық сипаттағы басқа мәселелер тараптар арасында тиісті қосымша келісімдер, сондай-ақ тараптардың әрқайсысы мен студент арасында білім беру қызметін ұсыну туралы келісім жасасу арқылы қосымша шешіледі.

## **3. БАСҚА ЖАҒДАЙЛАР**

3.1. Осы келісімшартқа сәйкес Тараптардың бір-біріне ашқан жазбаша немесе ауызша түрдегі кез келген ақпараты қатаң құпиялықта сақталуы және жарияланбауы немесе басқа жолмен қандай да бір үшінші жаққа мәлім болмауы тиіс.

3.2. Осы Келісімшарт аясындағы ынтымақтастықты жүзеге асыру барысында Тараптар Қазақстан Республикасының заңнамасын басшылыққа алады және өзара әрекетті тең құқылық, ашықтық және парасаттылық қағидалары негізінде іске асырады.

3.3. Осы Келісімшартқа өзгерістер мен толықтырулар жазбаша түрде ресімделіп, Тараптардың өкілетті тұлғаларының қолдарымен бекітіледі және осы Келісімшарттың ажырамас бөлшегі болып табылады.

3.4. Осы Келісімшарт Тараптар қол қойған күннен бастап күшіне енеді және 5(бес)жыл мерзімге жарамды.

3.5. Кез келген Тарап басқа Тарапты 1 ай бұрын жазбаша түрде ескерте отырып, Келісімшартты бұзуға құқылы. Сонымен қатар, оқуын осы Келісімшарт аясында оны бұзу мерзіміне дейін бастаған білім алушылар, Келісімшартты тоқтату күніне қарамастан, оқуын онда белгіленген шарттар негізінде аяқтайды.

3.6. Осы Келісімшарт әр тарапқа бір данадан келетін екі түпнұсқа данада жасалған.

#### 4. ТАРАПТАРДЫҢ ЗАҢДЫ МЕКЕН-ЖАЙЫ ЖӘНЕ ҚОЛДАРЫ

**«І. Жансүгіров атындағы  
Жетісу университеті» КЕ АҚ**  
040009, Талдықорған қ-сы,  
І.Жансүгіров к-сі 187а  
Тел.: +7 (728) 222 21 94  
Факс: +7 (728) 222 21 94  
e-mail: [vuz@zhgu.edu.kz](mailto:vuz@zhgu.edu.kz)  
<http://www.zhetysu.edu.kz/>

**«Шоқан Уәлиханов атындағы  
Көкшетау университеті» КЕ АҚ**  
020000, Көкшетау қ-сы,  
Абай к-сі, 76  
Тел.: +7 (716) 225 55 83  
Факс: +7 (716) 2 25 55 97  
e-mail: [mail@kgu.kz](mailto:mail@kgu.kz)  
<https://www.kgu.kz/>

**Басқарма төрағасы – Ректор**

  
Қ.М. Баймырзаев



**Басқарма төрағасы – Ректор**

  
М.К. Сырлыбаев

